

ita & Symbolorum universalium, major esset auctoritas, quam Provincialium atque Nationalium. Symbola enim universalia latiora quidem sunt ratione locorum & Hominum, Provincialia vero ratione dogmatum, quippe quæ plures controversias quam ista continent, tanquam declarationes Symbolorum generalium, atque fidei, contra irrepentes hæreses, quibus generalia non sufficiunt, symbola.

THESIS IV.

Symbolum Apostolicum, i. e. ab Apostolicis viris concinnatum, multa non habet, quæ in aliis leguntur, v. g. doctrinam de Justificatione, de Lege, & Evangelio, de Verbo DEI, ejusque Virtute infinita, item de fide salvifica, ejusque indole, de Unioni Personali, Communicatione idiomatum, de Sacramentis, Baptismo, & Cœna, Communionem sub utraque specie, Electione, Gratia termino, & Reprobatione &c. Istud enim in primis è Gentilismo conversis in primordio Ecclesiæ sufficiebat, quod deinde alia illustrabant ulterius, v. g. Ephesinum contra Nestorium; Chalcedonense, adversus Eutychem; Athanasianum, contra Arrium; uti